



KEMENTERIAN BELIA DAN SUKAN

SIARAN MEDIA

AMANAT TAHUN 2023 YB MENTERI BELIA DAN SUKAN

Amanat pertama kepada warga KBS Malaysia selepas hampir 7 minggu saya menggalas amanah besar menjadi Menteri di Kementerian ini.

Amanat mungkin perkataan yang begitu besar untuk saya, namun saya cuba sampaikan hasrat dan isi hati saya buat warga KBS, ini adalah perkataan yang paling tepat. Berikut adalah nota kecil buat warga KBS dan diharap menjadi panduan bagaimana kita boleh mencapai cita-cita besar ini:

- Kami di pejabat Menteri dan pejabat Timbalan Menteri Adam Adli adalah satu pasukan. Oleh itu, saya mohon kita memberikan kerjasama kepada kedua-dua pejabat ini sebagai satu pasukan;
- Saya dan Timbalan tidak memerlukan protokol yang berlebihan. Warga KBS tidak perlu menunggu untuk menyambut ketibaan kami berjam lamanya. Tidak perlu berdiri dan menunduk hormat kepada kami. Cukup dengan warga KBS melaksanakan dan menjayakan apa yang telah dipersetujui dalam mesyuarat – itu sudah memadai dan menjadi tanda kalian menghormati kami;
- Setiap polisi dan program kita mesti berdasarkan data, supaya berkesan kepada golongan sasaran atau pemegang taruh kita ("data driven initiatives");

- Wujudkan rasa semangat perpaduan dalam KBS tanpa kita berkira soal kerja di antara agensi. Agensi-agensi mesti saling membantu, elakkan jadi "calculative". Jangan lupa, kita adalah sepasukan;
- Hasrat saya agar warga KBS dapat meluangkan lebih banyak masa bersama keluarga, kita perlu sedaya upaya mengurangkan program pada hari Ahad. Selain demi keluarga kita, diri sendiri juga perlukan rehat;
- Lebih banyakkkan program dengan kos yang rendah tetapi mempunyai impak besar kepada majoriti rakyat, terutamanya mereka yang berada di pedalaman/akar umbi;
- Dalam KBS, kita mesti sihat dan cergas. Saya telah mengajak pimpinan tertinggi KBS untuk bersama-sama bersenam setiap hari Rabu lepas mesyuarat post-Cab. Letakkan sasaran untuk mencapai kecergasan dan kurangkan berat badan.

Team work dan sikap kesederhanaan serta kecemerlangan ("spirit of excellence in all we do") di Kementerian penting untuk kita menyakinkan masyarakat. Bersama kita membina negara. #DemiMalaysia

YB HANNAH YEOH
MENTERI BELIA DAN SUKAN

19 JANUARI 2023